

Broj: 04-20-213/22

Datum: 13.01.2022. godine

Na osnovu člana 3. stav 1. Odluke o utvrđivanju uslova i postupka za ostvarivanje prava učešća građana u dodjeli plastenika sa dodatnom opremom i rasadnim materijalom za plastenik na području Općine Stari Grad Sarajevo, broj: 01-04-4-54/22 od 10.01.2022. godine, Općinski načelnik Općine Stari Grad Sarajevo, putem Službe za privredu, objavljuje:

### **JAVNI POZIV**

**za predaju zahtjeva za dodjelu 15 plastenika površine 50 m<sup>2</sup> sa dodatnom opremom i rasadnim materijalom za plastenik (presadnice paradajza i paprike)**

#### **I PREDMET JAVNOG POZIVA**

Predmet Javnog poziva je dodjela 15 plastenika površine 50 m<sup>2</sup> sa dodatnom opremom i rasadnim materijalom za plastenik (presadnice paradajza i paprike) u cilju stimulacije poljoprivredne proizvodnje na području općine Stari Grad Sarajevo u projektu "Proizvodnja u plasticima" (u daljem tekstu Projekat).

#### **II PRAVO UČEŠĆA I USLOVI ZA OSTVARIVANJE PRAVA NA DODJELU PLASTENIKA POVRŠINE 50 m<sup>2</sup> SA DODATNOM OPREMOM I RASADNIM MATERIJALOM ZA PLASTENIK**

Pravo na učešće u Projektu imaju svi zainteresovani građani - fizička lica koja ispunjavaju uslove propisane Odlukom, koji imaju mjesto prebivališta i zemljište na području općine Stari Grad Sarajevo.

Uslov za ostvarivanje prava učešća je da kandidati kao podnosioci zahtjeva moraju biti zakonski korisnici minimum 200 m<sup>2</sup> poljoprivrednog zemljišta (vlasnik, posjednik, nosilac prava korištenja i dr.) pogodnog za plasteničku proizvodnju.

Pogodnost zemljišta za plasteničku proizvodnju, utvrđuje Komisija za dodjelu plastenika sa rasadnim materijalom (u daljem tekstu Komisija) na licu mjesta.

#### **III KRITERIJ I NAČIN BODOVANJA**

##### **a) Opći uslovi:**

1. Da podnosilac zahtjeva ima mjesto prebivališta na području općine Stari Grad Sarajevo,
2. Da je zakonski korisnik minimum 200 m<sup>2</sup> zemljišta na području općine Stari Grad Sarajevo (vlasnik, posjednik, nosilac prava korištenja i drugo),
3. Da je poljoprivredno zemljište pogodno za plasteničku proizvodnju, što utvrđuje Komisija na licu mjesta, u skladu sa pravilima struke (ravno zemljište ili veoma blagog nagiba, ne smije biti vlažno, sklono zabarivanju, dovoljna udaljenost od saobraćajnice i sl.)

##### **b) Dodatni uslovi:**

1. Da je podnosilac zahtjeva nezaposlen (nalazi se na evidenciji JU "Služba za zapošljavanje Kantona Sarajevo", Sarajevo) - **15 bodova**
2. Za svakog nezaposlenog punoljetnog člana porodičnog domaćinstva - **5 bodova**
3. Za svakog maloljetnog člana porodičnog domaćinstva - **2 boda**

4. Da je podnosilac zahtjeva penzioner - **10 bodova**
5. Da podnosilac zahtjeva ima priznat status demobilisanog borca - **10 bodova**
6. Da podnosilac zahtjeva ima priznat status RVI - **5 bodova**
7. Status člana porodičnog domaćinstva demobilisanog borac ili RVI - **2 boda**
8. Da podnosilac zahtjeva ima status porodice šehida, poginulih, umrlih ili nestalih boraca - **5 bodova**
9. Da podnosilac zahtjeva ima status civilne žrtve rata - **5 bodova**
10. Status civilne žrtve rata člana porodičnog domaćinstva - **2 boda**
11. Da podnosilac zahtjeva ima status neratnog invalida ili da je lice u stanju socijalne potrebe - **5 bodova**
12. Da podnosilac zahtjeva ima priznat status logoraša - **5 bodova**
13. Član porodičnog domaćinstva ima priznat status logoraša - **2 boda**
14. Svaki član domaćinstva - **2 boda**

#### **IV POTREBNA DOKUMENTACIJA**

Uz zahtjev za dodjelu plastenika i rasadnog materijala za plastenik potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

##### **a) obavezna dokumentacija**

1. Dokaz da je zakonski korisnik poljoprivrednog zemljišta: zemljišno-knjižni izvadak ili posjedovni list na ime podnosioca zahtjeva, ovjeren ugovor o zakupu, ovjeren ugovor o davanju zemljišta na korištenje, ovjeren ugovor o koncesiji i sl. (svi ugovori moraju biti zaključeni na vremenski period od najmanje 4 godine) i drugi dokazi o vlasništvu, odnosno posjedu zemljišta
2. Ovjerena kopija lične karte ili ovjerena kopija prijave boravka za podnosioca zahtjeva

##### **b) dodatna dokumentacija**

1. Kućna lista
2. Dokaz o ukupnim primanjima domaćinstva: podnosioca zahtjeva i punoljetnih članova domaćinstva (potvrda o studiranju, potvrda o nezaposlenosti JU "Služba za zapošljavanje Kantona Sarajevo", uvjerenje PIO/MIO i/ili ček od penzije, potvrda o primanjima od poslodavca, uvjerenje o statusu i visini primanja za korisnike lične i porodične invalidnine od Službe za boračka pitanja Općine Stari Grad Sarajevo i sl.)
3. Potvrda o nezaposlenosti od JU "Služba za zapošljavanje Kantona Sarajevo" za podnosioca zahtjeva i svakog nezaposlenog člana porodičnog domaćinstva
4. Ček od penzije ukoliko je podnosilac zahtjeva penzioner
5. Demobilisani borac: rješenje o statusu borca ili uvjerenje nadležnog ministarstva za pitanja boraca i invalida odbrambeno-oslobodilačkog rata, Odsjek za pitanja evidencija iz oblasti vojne obaveze za područje Sarajevskog Kantona, ratni vojni invalid (rješenje nadležne općinske službe) i šehidska porodica (rješenje nadležne općinske službe)
6. Dokaz o dodatnom boračkom statusu, statusu RVI i statusu civilne žrtve rata za člana porodičnog domaćinstva
7. Potvrda od registrovanog Udruženja logoraša za podnosioca zahtjeva i za člana domaćinstva
8. Potvrda nadležne službe da je lice u stanju socijalne potrebe u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom
9. Izjava podnosioca zahtjeva ovjerena od strane nadležnog organa da se lični podaci istog mogu koristiti u ovom postupku i objaviti po okončanju postupka, a u skladu sa Zakonom o zaštiti ličnih podataka

## **V PODNOŠENJE ZAHTJEVA I DOKUMENATA**

Obrasci zahtjeva za dodjelu plastenika sa dodatnom opremom i rasadnim materijalom za platenik mogu se podići na šalteru protokola i na web stranici Općine Stari Grad Sarajevo.

Zahtjevi za dodjelu plastenika, dodatne opreme i rasadnog materijala sa pratećom dokumentacijom se predaju na šalteru protokola u zgradi Općine Stari Grad Sarajevo, ulica Zelenih beretki br. 4, sa naznakom: Služba za privredu - Prijava na Javni poziv za dodjelu 15 plastenika sa dodatnom opremom i rasadnim materijalom za platenik ili putem pošte u zatvorenoj koverti. Rok za podnošenje prijave na Javni poziv je 10 dana od dana objavljivanja.

Sve dodatne informacije mogu se dobiti u Službi za privredu Općine Stari Grad Sarajevo, pozivom na broj telefona 033 282-356.

## **VI PROCEDURA ODABIRA KORISNIKA**

Proceduru vrjednovanja i odabira pristiglih zahtjeva izvršit će Komisija na osnovu Kriterija navedenih u tački III ovog Javnog poziva.

Odluku o izboru kandidata za dodjelu 15 plastenika i dodatne opreme sa rasadnim materijalom za platenik na prijedlog Komisije donosi Općinski načelnik Općine Stari Grad Sarajevo.

O rezultatima Javnog poziva kandidati će biti obaviješteni pismenim putem, putem oglasne ploče i web stranice Općine Stari Grad Sarajevo.

Svako lice kojem prema ovom Javnom pozivu bude dodijeljen platenik i dodatna oprema sa rasadnim materijalom potpisat će Ugovor o dodjeli plastenika sa dodatnom opremom i rasadnim materijalom za platenik sa Općinom Stari Grad Sarajevo čime se obavezuje na poštivanje odredbi istog.

## **VII FINANSIJSKA SREDSTVA**

Projekat se finansira sredstvima iz Budžeta Općine Stari Grad Sarajevo za 2022. godinu, prema kojem će se odabranim podnosiocima zahtjeva pojedinačno dodijeliti platenik površine 50 m<sup>2</sup> sa dodatnom opremom i rasadnim materijalom za platenik (presadnice paradajza i paprike).

## **VIII NAPOMENA**

Služba za privredu Općine Stari Grad Sarajevo će pozivati učesnike radi eventualne upotpune dokumentacije u toku trajanja Javnog poziva. Ukoliko učesnici i nakon datih uputa od strane nadležne Službe ne postupe po istim, zahtjevi sa nepotpunom dokumentacijom neće se uzimati u razmatranje.

Stručna obrada:

Firdeusa Hadžimurtezić, dipl. ing. polj.

Emir Huremović, dr. vet. med.

**POMOĆNICA NAČELNIKA**

Aldiana Kavazović, dipl.pravnik

**OPĆINSKI NAČELNIK**

mr. Ibrahim Hadžibajrić